

**Corpus Juris Canonici, Per Regulas Naturali Ordine  
Digestas, Usuque Temperatas, Ex Eodem Jure, Et  
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac  
delectu, in contrariis conciliatione, eximium, simulque Indicibus ac  
Præfationibus, Notisque quamplurimis & exquisitis illustratum, ; In Tres  
Tomos divisum

Complectens Prolegomena Ad Jus Canonicum In Se Et Universim  
Consideratum

**Gibert, Jean-Pierre**

**Coloniæ Allobrogum, 1735**

Quæstio I. An qui Jurisdictionem contra Episcoporum præscribit, non  
præscriptâ Territorii parte, illam ita acquirat, ut Episcopus per  
præventionem illam exercere nequeat?

---

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

## QUESTIO I.

*Extant-ne Exemptiones à Canone Generali abrogatae?*  
Resp. Extant plurimæ hujusmodi Exemptiones. Patet hoc ex iis, quæ dicturi sumus de Variis illarum Generibus.

## QUESTIO II.

*Quot sunt Genera Exemptionum à Canone Universali abrogatarum?*

Resp. Triplex est Genus. Primum earum, quæ partim abrogatae, partim conservatae sunt; Secundum earum, quæ omnino abrogatae sunt post Concessionem; Tertium earum, quæ per Præventionem abrogatae prohibitione cum Decreto irritante.

Principia, quæ pertinent ad Primum Genus Exemptionum abrogatarum, collegi in *Traictatu de Vicario Generali*, Tit. de *Jurisdictione Episcopi à Canone Tridentino restituā circa Exemptos*, Cetera habes in Decreto LEONIS X. in CONCILIO LATERANENSI V. 1515. Sess. X. circa Exemptiones. Incipit *Regimini*. Hac autem sunt 1. Exempti, quicunque sint, qui incorrecti renanter propter negligientiam illorum, quibus illorum Correctio demandata est, subiiciuntur Jurisdictioni Ordinariæ, si intrà prefixum tempus ab Ordinario, Correctio facta non fuerit, cum hac tamen restrictione quod Ordinarius Inquisitionem factam, & Processum debite instrutum mittat ad Pontificem, ut Exemptos Reos puniat.

2. Protonotarios non deferentes habitum & Rochetum, Protonotariatus Insignia, & Officiales Sedis Apostolicae actu Officia sua non Exercentes, judicare potest Ordinarius in Causis Criminalibus non exercitentibus summam ibi praefixa.

3. Familiaritatis Litteras Habentes à Cardinalibus, qui non sunt actu Commensales, Ordinario subsunt, nisi vel propter eorum negotia ab iisdem missi fuerint, vel recreationis causa, per tempus absuerint.

4. Visitare potest idem Ordinarius semel per annum singula Monialium Monasteria immediate subjecta Sedi Apostolicae.

Secundum Genus Exemptionum, nempe omnino abrogatarum, videre est in *Concilio Constantiensi* Sess. XLIII. Decreto *Attendentis*, In illo abrogantur omnes Exemptiones concessæ per 40. annos elapsos à morte GREGORII XI. an. 1378. usque ad istam Sessionem, quæ est an. 1417. tam Monasterii & Capitulis, quam Singularibus Personis. Excipiuntur, 1. Quæ toti Ordini concessæ sunt. 2. Quæ in Fundatione Monasterii, Capituli, Beneficii, concessæ. 3. Quæ ab Universitatibus vel Collegiis impetratae. 4. Quæ per modum Confirmationis, vel Augmenti, seu Additionis factæ. 5. Quæ Auditis, quorum intererat, & Contentientibus Ordinariis, obtenta. Revocantur & abrogantur quoque Exemptiones omnes perpetuae, quæ per Inferiores à Papâ per idem tempus concessæ sunt.

Tertium Genus Exemptionum abrogatarum, nempe earum, quæ per Præventionem abrogatae sunt, habes in Decreto *Regimini* supra citato V. Concilii Lateranensis. In illo irritas decernit Exemptiones, quæ concedentur absque rationabilis causa, & iis, quorum interest, non Cittatis. De vocandis Partibus item caverat Concilium Constantiense. Sess. XLIII. Decreto supra citato.

## QUESTIO III.

*An Abrogatio prædictarum Exemptionum vigeat adhuc?*  
Resp. Nullum legi Canonom, qui abrogatas has Exemptiones restitut, extare vero videntur nonnulla Exempla contraria Decreto irritanti Exemptiones concessas non Cittatis, quorum intererat; Tales sunt Exemptiones concessæ quibusdam Ordinibus Regularibus post dictum Concilium Lateranense. Veluti, quæ Societati Jesu, Monialibus Carmelitanis, Congregatione de Doctrina Christiana, Ordini Monialium Calvariarum; Dico, illas Exemptiones videri contrarias Decreto citato, quia generale est, nec ullum Exemptionis genus exigit, unde intelligi potest tam de illis, quæ totum Ordinem resipiunt, quam de illis quæ singulares Conventus, vel Domos, vel Personas: præterea, dum agitur de Exemptione toti Ordini conferenda, multo major est

Ratio audiendi eos, quorum interest, quia ad Plures extenditur prejudicium, nempe ad omnes Episcopos; cum in singulis Episcopatibus erigi possint Conventus Ordinis Exempti; idcirco existimo, Exemptiones prædictas includere conditionem, *Salvo Ordinariorū consensu*.

## QUESTIO IV.

*Cur Exemptiones memoratae abrogatae fuerint?*

Resp. Causa Abrogationis inferuntur ex duobus Decretis citatis, Haec autem sunt, 1. Concessio facta fuerat absque justa causâ, Quod colligitur ex his verbis Decreti *Attendentis*, pro voluntate suâ, quibus insinuat, Pontifices illas Concedentes voluntatem suam, non rationem, secutos fuisse. 2. Concessæ fuerant propter importunitatem Petentium: id expresse habet idem Decretum. 3. Concessæ erant non Auditis, quorum intererat, ac non Consentientibus Ordinariis; Infertur ex eo, quod idem Decretum excipiat, conservetque nominatum Exemptiones concessas auditis, quorum intererat, & Consentientibus Ordinariis: præterea expresse in fine damnat Exemptiones aliter concedendas. 4. Exemptiones occasionem dabant liberius peccandi & impunè. Vid. Decretum, *Regimini*.

## QUESTIO V.

*An Quævis à CONCILIO TRIDENTINO facta Abrogatio vim suam habeat?*

Resp. Abrogationes factæ à Concilio Tridentino circa Exemptiones Ecclesiæ Cathedralium, vires suas non habent; nam 1. extant Ecclesiæ Cathedrales etiam in Provinciis, quæ Concilii Tridentini Decreta omnia & singula solemniter receperunt, quæ protestatae sunt contrâ Abrogationes suorum Privilegiorum, Exemptionum que; ejus generis sunt Ecclesiæ Cathedrales Provinciae Cameracensis; Illarum Protestatio habetur Conc. Tom. XV. p. 200. his concepta verbis, *Protestando tamen validitatem Privilegiorum nostrorum, Jurisdictionum, Exemptionum nobis firmam fore autoritate Sedis Apostolicae, si Sanctissimus Dominus Noster Papa, nostris rationibus exhibitis, det seu Interpretationem, seu Moderationem Decretis Concilii Tridentini.*

## QUESTIO VI.

*An Exemptiones non abrogatae à CONCILIO CONSTANTIENSI, ab eodem censeantur approbatæ?*

Resp. Videntur approbatæ, quæ post aliarum Abrogationem, Concilium hæc addit, Ceteris autem Exemptionibus ante obitum dñi Gregorii habitis, vel concessis, nullum volumus per hoc prejudicium generari. Sed hæc Ratio non evincit, Concilium has Exemptiones approbatæ, cum allata verba significant tantum, Concilium velle illas salvias esse, seu non abolitas, & longè absit ab Approbatione consilium non abrogandi; eodem planè modo, quo Permissio à Tolerantia distat; Quod enī permittitur, approbatur: Quod vero toleratur, non approbatur; sed duntaxat salvum esse finitur usquequod possit abrogari. Præterea certum est, non potuisse Concilium approbare Exemptiones, quibus inerant vitia, propter quæ ceteras abrogabat, nempe defectum justæ cause, defectum Citationis eorum, quorum intererat, & Consensus Ordinariorū, qui spoliabantur jure: at verò simillimum est, inter Exemptiones ante obitum GREGORII XI. concessas, non paucas extitisse, quæ his vitiis laborabant.

## SECTIO III.

*Questiones nonnullæ extrâ locum suum posite, præcedentium Expositorie vel Suppletoria.*

## QUESTIO I.

*An qui Jurisdictionem contrâ Episcopum prescribit, non prescriptâ Territorii parte, illam ita acquirat, ut Episcopus per Præventionem illam exercere nequeat?*

*Querendi causa:* Quoties Territorii pars non prescribitur, Jurisdiction remanet in illo, ad quem Territorium pertinet: si ergo, non prescriptâ Territorii parte Jurisdictione prescribatur contrâ Episcopum, ita ut iste nec per Præventionem exercere valeat, sequitur, quod ex suppositione Jurisdictionem habeat, cum locus, in quo exercenda est, ubi subesse supponatur, aliunde vero

Jurisdic-

Jurisdictione careat, cum illam etiam per Præventionem exercere nequeat.

¶ Respondeatur, totam alicujus Loci Jurisdictionem Spiritualem præscribi non posse, quin præscribatur Territorii pars, in quo existit, ita ut illam ex Præventione exercendi facultas non remaneat penes illum, ad quem ante pertinebat, alioquin in eodem Loco Duo Capita forent nequaquam sibi Subordinata: Partem vero Jurisdictionis posse præscribi, Territorii parte non præscripta; non enim repugnat certam Jurisdictionis partem ab uno possideri, aliam vero ab alio, cum in eodem Districtu diversæ Persona circa diversas res Jurisdictione potiuntur; præterea id clare demonstrant. C. 15. & 18. De Præscript. in quibus Jurisdictionis pars Jure Communis adjudicatur Episcopo, Præscriptionis autem Jure alia pars Abbatii tribuitur in eodem Territorio.

### Q U A S T I O I I .

Queritur, An in Corpore Juris Canonici mentio fiat de Exemptis nullius Diœcesis, an saltē de iis sermonem faciat Concilium Tridentinum?

Ad Primum Respondeatur, de hujusmodi Exemptis ne verbum quidem haberin in toto Juris Corpore.

Ad Secundum Respondeatur, CONCILIUM TRIDENTINUM loqui de Exemptis nullius Diœcesis, C. 10. SESS. XXIII. C. 2. SESS. V. De Ref. §. id vero, in quo de Monasteriis, quæ, et si intra Diœcylum sint, nullius esse Diœcesis non definit, quia non à Jurisdictione solùm, sed à Situ libera sunt; & §. Si qua vero, in quo Concilium loquitur de Monasteriis nullius Diœcesis existentibus, quia revera intrâ nullam sita sunt.

Circa quod notandum, Locorum nullius Diœcesis duplex genus esse; Aliud nempe illorum, quæ ad nullam unquam Diœcensem pertinueré, qualia, quæ à Paganis aliquique Infidelibus postessa, ad Fidem à Monachis Episcopo nulli Subditis conversa, iisque relicta, vel nonnulla Insula Monachis eadē, familiè de causa concēsa; qualia etiam, quæ extrâ Fines cuiusvis Diœcesis in Episcopatum erectione relicta, vel in Confinibus alicujus sita, Exemptione extrâ Fines confituta sunt. Aliud Locorum nullius Diœcesis genus est, illorum, quæ intrâ alicujus Diœcesis, vel initio vel successu temporis comprehensa ita ab Episcopo exemit Papa, ut etiam inter ipsius Diœcesis Membra recenserit noluerit dicique ad illam pertinere.

### Q U A S T I O I I I .

Queritur, an in Jure de Exemptis, qui Jurisdictionem habeant Episcopalem, vel saltē in CONCILIO TRIDENTINO sermo fiat?

Ad Primum Respondeatur, Textus omnes, qui loquuntur de Monasteriis vel Abbatibus, quæ Jura Episcopalia, vel omnia, vel illorum partem, præscripferant, de Exemptis, qui Jurisdictionem Episcopalem vel in toto, vel in parte habent, mentionem facere; Tales autem C. 15. 18. De Præscript. C. 3. De in integrum Restitut.

Idem dicendum de Textibus, qui loquuntur de Regularibus Ecclesiis pleno jure Possidentibus; Tales sunt C. 13. de Sent. & Re Jud. C. 31. De Præb. C. 3. De Privil. §. 2. C. 3. De Privileg. in VI. quod in §. nec eis licitum. de Abbatibus.

Ad Secundum Respondeatur, CONCILIUM TRIDENTINUM C. 11. SESS. XXV. de Regularibus, exprestè loqui de Abbatibus ac aliis Superioribus Regularibus, qui Jurisdictionem Episcopalem habent.

### Q U A S T I O I V .

Queritur, An Exemptio, quæ Quis immediate Sedi Apostolica subest, memoretur in Jure & in CONCILIO TRIDENTINO?

Respondeatur 1. Apud GRATIANUM memorari duobus locis, nempe C. 52. CAUS. XVI. QUÆST. I. in quo primùm eximit PELAGIUS, deinde GREGORIUS Episcopum à Jurisdictione sui Metropolitani, illumque Papæ immediatè subjiciunt; & C. 18. CAUS. XVIII. QUÆST. II. in quo Exemptionem hujusmodi in Abbatibus damnare videtur PASCHALIS II. dum ait, Abbatibus, qui neque sub Episcopo, neque sub Metropolitano, neque sub Primate, neque sub Patriarcha sunt, nullus prorsus Episcoporum Episcopalia administrat. Cum enim se nulli Episcopis omnino subesse profiteantur, consequens est, ut nullus

Tom. I.

Episcoporum, quæ sua sunt, eis tanquam Extraneis largiatur. Sed verisimiliter loquitur de Exemptione usurpatâ.

2. Apud GREGORIUM IX. iterum atque iterum de Exemptione hujusmodi fieri mentionem, hujusque rei testes esse. C. 4. De Confirm. utili C. 2. De Capel. Monachorum. C. 8. 12. 13. 16. 17. De Privil. C. 7. 8. De Statu Monach. C. 7. De Consuet. C. 5. De Arbitris.

3. Apud BONIFACIUM C. 10. De Privil. ex quorum priore colligi posse videtur, Exemptorum nomine intelligi, qui ab Ordinarii Jurisdictione liberi Summo Pontifici immediate subfunt, cum ibidem ALEXANDER IV. hujusmodi Exemptos simpliciter Exemptos vocet, dum ait: Exempti autem sine Nostra Licentiâ Oratoria non constituent.

4. Apud CLEMENTEM V. Clem. 2. De Statu Monach. ex qua inferre licet, Exemptarum Monialium duplex fuisse genus, nempe alias, quæ Sedi Apostolica immediate tuberant; alias vero, quæ nec Papæ, nec Ordinario proxime subjiciebant, sed vel Archiepiscopo, vel Primi vel Regularibus ejusdem Ordinis.

Posterioris Monialium generis plura præbet exempla Gallia, cum Carmelitanæ, Calvarianæ, Benedictinæ nonnullæ, nec Papæ, nec Ordinario, sed alii Superioribus tam Secularibus, quam Regularibus, quos sibi eligunt, proximè subfint. In EXTRAVAGANTIBUS COMMUNIBUS C. 1. De Privileg. C. 9. De Prab.

### Q U A S T I O V .

Queritur, An, & in Quo differat Monialium Exemptione à Monachorum Exemptione?

Respondeatur, in nonnullis certè differre, eaque esse non alia, quam ista. 1. Quocunque Monialium Monasteria Sedi Apostolica immediate Subjecta visitari ab Ordinario possunt, tanquam Sedis Apostolica Delegato. Clem. 2. De Statu Monach. 2. Eadem Monasteria ab Episcopo tanquam ejusdem Sedis Delegato gubernanda esse, constituitur. C. 9. SESS. XXV. De Regular. 3. Circa Monialium Exemptarum Clausuram Episcopo facultas datur, illam restituendi, ubi violata est, conservandi, ubi inviolata est, Inobedientes & Contradictores per Censuras Ecclesiasticas, aliasque poenam compescendi, eaque omnia Apostolicae autoritate faciendi. 4. Nullum Monialium Monasterium Romæ Situm, Titulo cuiusvis Cardinalis subest C. 2. De Capel. Monachor. Ex his autem Articulis erga Monachos nullus locum habet.

Articulus alias extat, in quo Moniales Exemptæ à Monachis itidem Exemptis differre videntur, nempe in eo, quod Moniales sint, quæ nec Papæ, nec Ordinario immediate subfint, sed alii; at in hoc non differunt cum C. 7. de Statu Monach. mentionem faciat de Monachis, qui per Visitatores à Capitulis Generalibus Deputatos gubernantur, corrigunturque.

Aliud quoque videtur esse discrimen inter Moniales Exemptas & Monachos Exemptos, in eo scilicet, quod illarum Monasteria, cum non dependeant alia ab aliis, peculiari Singula agent Exemptione. Monasteriis vero Monachorum ob contrariam rationem Generalis Exemptione sufficiat: at falsum, utrosque inter hoc esse discrimen, cum de Monasteriis Monachorum, quæ ab aliis alia invicem non dependent mentione fiat in C. 7. de Statu Monachor. præterea, ut Generalis Exemptione Monasteriis sufficiat, non requiritur, ut alia aliis subfint, sed satis, ut ejusdem sint Ordinis, vel Congregationis.

Notandum circa Clausuram, quod Jure Communi Moniales semper Subjecta fuerunt Episcopo, saltē ut Sedis Apostolica Delegato, nec ullum extat peculiare cuiquam illarum Congregationi, vel Monasterio Privelegium in Corpore Juris clausum; cum in toto Juris Corpore, juncto Concilio Tridentino, duo sint Textus tantum, qui de Clausurâ loquantur, nempe Caput Unicum, de Statu Regul. in VI. & C. 5. SESS. XXV. de Regular. In utroque autem, Episcopo quoad Clausuram subjiciuntur Moniales, aut ut Ordinario, aut ut Sedi Apostolica Delegato.

### Q U A S T I O VI .

Queritur, An Prelatus, cui Exemptus immediate subficitur, quam haberet Ordinarius, in illum habeat Jurisdictionem?

12

Respon-